



DOSA DI Hujung JARI

(12 Mac 2021M/ 28 Rejab 1442H)

الْحَمْدُ لِلَّهِ رَبِّ الْكَائِنَاتِ، يَعْلَمُ مَا تُخْفِي الصُّدُورُ وَمَا ظَهَرَ مِنَ الْكَلِمَاتِ.
أَمَرْنَا أَنْ نَحْفَظَ اللِّسَانَ وَلَا نَسْتَعْمِلَهُ إِلَّا فِي الْحَسَنَاتِ.
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، إِيَّاهُ وَإِلَيْهِ نَتَقَرَّبُ بِالْعِبَادَاتِ وَالطَّاعَاتِ.
وَأَشْهَدُ أَنَّ مُحَمَّدًا عَبْدُهُ وَرَسُولُهُ أَسْوَتُنَا فِي الْمَحْيَا وَالْمَمَاتِ.
اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ مَا دَامَتِ الْأَرْضُ وَالسَّمَوَاتُ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَإِيَّايَ بِتَقْوَى اللَّهِ، فَقَدْ فَازَ الْمُتَّقُونَ.

Sidang Jemaah yang dirahmati Allah,

Saya berpesan kepada diri saya dan tuan-tuan, bersama-sama kita tingkatkan ketakwaan kepada Allah SWT dengan mentaati segala perintah-Nya dan menjauhi segala larangan-Nya. Sesungguhnya kebahagiaan di dunia dan kesejahteraan di akhirat terletak pada iman dan takwa kita kepada-Nya.

Hadirin sidang Jumaat sekalian,

Sebelum melanjutkan bicara, suka khatib memberi peringatan. Marilah kita tinggalkan perbuatan lagha yang bertentangan dengan sunnah serta adab iaitu tindakan yang memesongkan perhatian daripada mendengar khutbah dan isi kandungannya. Ini termasuklah perbuatan berbual-bual, tidur dengan sengaja

dan bermain telefon bimbit. Mimbar pada hari ini akan membicarakan khutbah bertajuk: “**Dosa di hujung jari**”.

Sidang jemaah yang dirahmati Allah,

Islam amat menjaga keharmonian hidup bermasyarakat. Keharmonian ini dapat kita lihat dari pembentukan negara Madinah yang ditadbir oleh Rasulullah ﷺ. Perbuatan-perbuatan menggugat keharmonian seperti mencari-cari kesalahan dan saling membuka aib sesama kita adalah satu kesalahan yang amat serius. Dalam hadis nabi ﷺ bersabda:

مَنْ تَتَبَعَ عَوْرَةَ أَخِيهِ الْمُسْلِمِ تَتَبَعَ اللَّهُ عَوْرَتَهُ، وَمَنْ تَتَبَعَ اللَّهُ عَوْرَتَهُ يَفْضَحْهُ وَلَوْ فِي جَوْفِ رَحْلِهِ

Maksudnya: “Barangsiapa yang mencari-cari aib (atau kelemahan) saudaranya yang muslim, nescaya Allah akan membuka aibnya walaupun dia berada di dalam rumahnya”.
(Hadis riwayat At-Tirdmizi)

Hadirin sidang Jumaat sekalian,

Fasa pandemik yang sedang kita lalui menjadi salah satu faktor masyarakat lebih masa dengan gajet berbanding sebelum ini. Penyebaran berita viral melalui aplikasi media sosial seperti *Facebook* dan *Whatsapp* sering berlaku. Amat menyedihkan apabila berita dan video yang disebarkan sebahagiannya dibuat

tanpa usul periksa, sekadar ingin mahu nama dan *rating* yang tinggi. Ada yang sanggup menyunting video lalu disebarkan bahawa si fulan ini memberi fatwa sesat atau melakukan perkara terkutuk dan sebagainya.

Kesemua tindakan ini akan membawa kepada perbalahan dan perpecahan dalam masyarakat. Individu tersebut sebenarnya adalah batu api yang mencetuskan permusuhan. Individu yang gemar melagakan orang ramai ataupun batu api ini amatlah dicela dalam Islam. Sabda nabi ﷺ :

لَا يَدْخُلُ الْجَنَّةَ نَمَّامٌ

Maksudnya: “Pengadu domba tidak akan masuk syurga”. (Hadis riwayat Muslim)

Sidang Jumaat yang dikasihi,

Dewasa ini, terdapat beberapa selebriti atau pengusaha produk yang mempromosikan diri mereka dengan perbuatan-perbuatan yang bertentangan syarak. Namun apabila ditegur mereka menolak dengan alasan tidak mahu hipokrit, konon mahu menjadi diri sendiri. Dalam Islam, perbuatan berbangga dengan kesalahan amat dicela oleh Allah SWT. Dalam sebuah hadis yang diriwayatkan oleh Imam Al-Bukhari, nabi ﷺ bersabda yang bermaksud:

“Setiap umatku dimaafkan kecuali mereka yang menunjuk-nunjuk (dosanya). Sesungguhnya diantara menunjuk-nunjuk (dosa) itu adalah seorang hamba yang melakukan suatu perbuatan di waktu malam, padahal Allah telah menutupi kesalahannya, kemudian di waktu pagi dia berkata: “wahai fulan semalam aku telah melakukan ini dan itu, padahal malam harinya (dosanya) telah ditutup oleh Tuhannya. Ia pun bermalam dalam keadaan (dosanya) telah ditutup oleh Tuhannya tetapi pada pagi harinya dia menyingkap apa yang telah ditutup oleh Allah baginya”.

Hadirin sidang Jumaat sekalian,

Islam menggariskan beberapa perkara dalam menyebarkan sesuatu berita. Justeru, kesimpulan yang dapat diambil daripada khutbah hari ini adalah:

Pertama: Sebarkan perkara yang bermanfaat. Ilmu yang bermanfaat akan menjadi saham yang sentiasa mengalirkan pahala.

Kedua: Periksa kesahihan berita. Allah memerintahkan kita untuk menyelidik berita sebelum disebarkan bagi mengelakkan perbalahan.

Ketiga: Tidak menyebarkan berita yang belum dipastikan kesahihannya.

أَعُوذُ بِاللَّهِ مِنَ الشَّيْطَانِ الرَّجِيمِ
الْيَوْمَ نَخْتِمُ عَلَى أَفْوَاهِهِمْ وَتُكَلِّمُنَا أَيْدِيهِمْ وَتَشْهَدُ أَرْجُلُهُمْ بِمَا كَانُوا يَكْسِبُونَ ﴿٦٥﴾
سورة يس

Maksudnya: “Pada waktu itu Kami meteraikan mulut mereka (sejurus) dan (memberi peluang kepada) tangan-tangan mereka memberitahu Kami (kesalahan masing-masing) dan kaki mereka pula menjadi saksi tentang apa yang mereka telah usahakan”.

بَارَكَ اللَّهُ لِي وَلَكُمْ بِالْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ، وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ. أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ، وَلِسَائِرِ الْمُسْلِمِينَ وَالْمُسْلِمَاتِ، وَالْمُؤْمِنِينَ وَالْمُؤْمِنَاتِ، فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



خطبة كدوا

(Bulan Mac 2021)

أَلْحَمْدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى سَيِّدِنَا مُحَمَّدٍ النَّبِيِّ الْأَمِينِ، وَعَلَى
آلِهِ وَأَصْحَابِهِ الطَّاهِرِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ حَقَّ تَقَاتِهِ وَاعْلَمُوا أَنَّ اللَّهَ أَمَرَكُمْ بِأَمْرِ عَظِيمٍ،
أَمَرَكُمْ بِالصَّلَاةِ وَالتَّسْلِيمِ عَلَى نَبِيِّهِ الْكَرِيمِ، قَالَ اللَّهُ تَعَالَى:

(إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾)

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا
إِبْرَاهِيمَ وَعَلَى آلِ سَيِّدِنَا إِبْرَاهِيمَ وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ،
كَمَا بَارَكْتَ عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ فِي الْعَالَمِينَ إِنَّكَ حَمِيدٌ
مَجِيدٌ.

وَارْضَ اللَّهُمَّ عَنِ الْخُلَفَاءِ الرَّاشِدِينَ وَعَنْ بَقِيَّةِ الصَّحَابَةِ أَجْمَعِينَ، وَعَنِ التَّابِعِينَ
وَتَابِعِي التَّابِعِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ وَارْضَ عَنَّا مَعَهُمْ يَا أَكْرَمَ
الْأَكْرَمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اَللّٰهُمَّ اٰمِنًا فِيْ اَوْطَانِنَا وَاَصْلِحْ اٰيْمَتَنَا وَوُلَاةَ اُمُوْرِنَا وَاَشْمَلِ اللّٰهُمَّ بِعِنَايَتِكَ وَتَوْفِيْقِكَ
عَلٰى مَلِكِنَا، كِبَاوَه دَوْلِيْ بِيْغِ مَهَا مَوْلِيَا سِرِيْ قَادُوْكَ بِاَكْبِيْنْدَا بِيْغِ دَفَرْتُوْان اَكُوْغْ ك-اَنَم
بَلَسْ، اَلْسُلْطٰنُ عَبْدُ اللّٰهِ رِعَايَةُ الدِّيْنِ اَلْمُصْطَفٰى بِاللّٰهِ شَاهِ ابْنِ الْمَرْحُوْمِ سُلْطٰنُ
حَاجِ اَحْمَدُ شَاهِ اَلْمُسْتَعِيْنِ بِاللّٰهِ، وَكَذٰلِكَ مَوْلَانَا تُوْان بِيْغِ تَرَاوْتَا مَاتُوْن دَاتُوْء سِرِيْ
اَوْتَا مَاتُوْر حَاجِ عَبْدِ الرَّحْمٰنِ بِنِ حَاجِ عَبَّاسْ، بِيْغِ دَفَرْتُوْان نَكْرِيْ قُوْلَاوْ قِيْنِغْ.

اَللّٰهُمَّ اِدْفَعْ عَنَّا اَلْبَلَاءَ وَالْوَبَاءَ وَالْفَحْشَاءَ وَالْمُنْكَرَ وَالْمِحْنَ وَالْفِتْنَ، مَا ظَهَرَ مِنْهَا وَمَا
بَطَنَ، مِنْ بَلَدِنَا هٰذَا خَاصَّةً، وَمِنْ بُلْدَانِ الْمُسْلِمِيْنَ عَامَّةً، اِنَّكَ عَلٰى كُلِّ شَيْءٍ قَدِيْرٌ.
اَللّٰهُمَّ اِنَّا نَعُوْذُ بِكَ مِنَ الْبَرَصِ، وَالْجُنُوْنِ، وَالْجَذَامِ، وَمِنْ سَيِّئِ الْاَسْقَامِ، يَا اَرْحَمَ
الرَّاحِمِيْنَ.

Ya Allah dengan sifatMu yang Maha Pemurah dan Maha Mendengar! Kami hambaMu yang lemah merayu kepadaMu agar engkau angkat dan hilangkan segera wabak penyakit Covid-19 yang sedang melanda kami agar dapat kami melaksanakan syiarMu dengan sempurna.

Ya Allah jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan waqaf. Rahmatilah kehidupan mereka. Sesungguhnya hanya kepadaMu jua Ya Allah, doa kami mohon diperkenankan dan diterima.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ!

﴿إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ
يَعْظُمُ لَعَلَّكُمْ تَذَكَّرُونَ﴾

فَاذْكُرُوا اللَّهَ الْعَظِيمَ يَذْكُرْكُمْ، وَاشْكُرُوا لَهُ عَلَىٰ نِعَمِهِ يَزِدْكُمْ، وَاسْأَلُوهُ مِنْ فَضْلِهِ
يُعْطِيَكُمْ، وَلَذِكْرُ اللَّهِ أَكْبَرُ، وَاللَّهُ يَعْلَمُ مَا تَصْنَعُونَ.